

## Edizione diplomatico-interpretativa

<p>Pro ai del chant ensenhadors; Entorn mi es ensenhairitz Pratz, e vergiers, albres floritz, Voutas d'auzels, e lais, e critz Per lo dous termini suau, Que 'n un petit de ioi m'estau, Don nuill deport non pot iauzir Tan, com solatz d'amor valer.</p>	<p><b>I.</b> Pro ai del chant ensenhadors entorn mi es ensenhairitz, pratz e vergiers, albres floritz, voutas d'auzels e lais, e critz per lo dous termini suau; qu'en un petit de joi m'estau, don nuill deport non pot jauzir tan com solatz d'amor valer.</p>
<p>Las pimpas sion als pastors, E als enfans burdens petitz, E mienas sion tals amors, Don ieu iauzens sia'iauzitz; Quieu l'ai bona tot aitan Ves son amic greu logau. Per so soi trop soven marritz, Car non ai so, c'al cor n'aten.</p>	<p><b>II.</b> Las pimpas sion als pastors, e als enfans burdens petitz, e mienas sion tals amors don ieu jauzens sia jauzitz. Qu'ieu l'ai bona tot'aitan ves son amic greu logau: per so soi trop soven marritz, car non ai so c'al cor n'aten.</p>
<p>Luenh es lo castels, e la tors, On ella iai, e sos maritz; E si per bons conseilladors Conseillan no soi enaizitz, C'autre conseil petit menau, Aitan n'ai fin talen corau. Al res non ai mais del morir, S'alcun ioi non ai enbreumen.</p>	<p><b>III.</b> Luenh es lo castels e la tors on ella jai e sos maritz, e si per bons conseilladors conseillan no soi enaizitz ? c'autre conseil petit m'en au, aitan n'ai fin talen corau ? alres non ai mais del morir, s'alcun joi non ai en breumen.</p>
<p>Totz los vezis apel senhors Del renh, on sest ioi fo noiritz; E crei, qe'm sia grans honors, Car ieu dels plus envilanitz Cug, que sion cortes leiau Ves l'amor, quins el cor mi clau. Ai bon talan, e bon albir; E sai, quill n'a bon essien. Lai</p>	<p><b>IV.</b> Totz los vezis apel senhors del renh on sest joi fo noiritz, e crei qe-m sia grans honors car ieu dels plus envilanitz cug que sion cortes lejau. Ves l'amor qu'ins el cor mi clau ai bon talan e bon albir, e sai qu'ill n'a bon essien.</p>

<p>Lai es mos cors, si totz c'aillors  Non a ni sima, ni raitz,  Et en dormen sotz cobertors  Es lai ab lieis mos esperitz,  E s'amor mi revert a mal;  Car ieu l'am tant, e liei non cal.  Tost verirai ieu, si per sufrir  N'atendrai mon bon iauzimen.</p>	<p><b>V.</b>  Lai es mos cors si totz c'aillors  non a ni sima ni raitz,  et en dormen sotz cobertors  es lai ab lieis mos esperitz;  e s'amor mi revert a mal  car ieu l'am tant e liei non cal.  Tost verirai ieu si per sufrir  n'atendrai mon bon jauzimen.</p>
<p>Ma volontat sen vai, e'l cors  La nueit, e'l dia esclarzitz  Là ins per talant de son cors.  Mai tart mi ve, e tart me ditz:  "Amics (, fai ella gelos brau,)  "Aun comensat tal barestau,  "Que serà greus à departir,  "Tro c'ap dui en siam iauzen.</p>	<p><b>VI.</b>  Ma volontat s'en vai e-l cors  la nueit e-l dia esclarzitz,  lains per talant de son cors;  mai tart mi ve e tart me ditz:  "Amics", fai ella, "gelos brau,  aun comensat tal barestau,  que sera greus a departir,  tro c'apdui en siam jauzen".</p>
<p>Per so men creis plus ma dolors,  Car ieu aulieis en luec auzit,  (Que tan no fauc sospirs, e plors,  Que sol baizar per escarit,)  Que'l cor mi tenguès san, e sau.  Bona es l'amors, e molt pervau;  E d'aquest mal mi pot guerir  Ses gart de Metge sapien.</p>	<p><b>VII.</b>  Per so m'en creis plus ma dolors  car ieu au lieis en luec auzit:  que tan no fauc sospirs e plors  que sol baizar per escarit  que-l cor mi tengues san e sau.  Bona es l'amors e molt per vau,  e d'aquest mal mi pot guerir  ses gart de metge sapien.</p>

- letto 312 volte